

己未詞科錄

已未詞科錄卷七

通議大夫廣東提刑按察使司按察使無錫秦瀛

傳畧

五之二

李良年字武曾號秋錦初冒姓虞名兆潢字法遠浙江秀水人諸生著有秋錦山房集二十二卷

良年字武曾康熙己未嘗薦舉博學鴻詞初冒姓虞氏名兆潢故當時薦牘無良年名朱彝尊所作墓志僅載其原名而未載其冒姓亦偶疎也是編凡詩集十卷詞二卷文集十卷良年少有雋才其遊蹤幾遍天下所未至者秦蜀嶺嶠耳其詩清麗灑落亦頗得

江山之助惟自少至老風調不變其蹊徑之狹殆才  
分所偏歟文則長於議論而短於叙述不逮其詩詞  
則已刻入六家詞中者殆三分之二品在其詩文之

閒云

四庫書目秋錦  
山房集提要

李良年字武曾與兄繩遠弟符言詩者稱三李武曾  
九齡能作文十齡解賦詩持格律甚嚴嘗鈔撮詩中  
禁字一卷授學者於詞愛姜堯章吳君持諸家故所  
作特穎異歲戊午以博學宏詞被薦入京師試不得  
意築秋錦山房坐臥其中弟子著錄者日眾崑山徐  
尚書乾學開書局於洞庭山招往助修一統志自是

歸不復出卒年六十所著有秋錦山房集

齊志通志

君之考上舍以結客破家餽粥恒不給然必延師教諸子妣顧孺人佐之脯脩獨豐故君之兄弟咸奮志於學兄繩遠弟符江鄉言詩者目爲三李時長洲汪編修琬爲文高自矜詡獨傾心下君沛縣閭舉人爾梅論詩斷斷惟與君相洽君方欲羅當代之文甄綜爲一集曰文緯人咸冀君之錄其文也故縞紵之投恒倍又持論和婉多可少怪善言作者之心思故人皆樂就君論說永年申檢討涵盼常語人曰聞朱十論詩文使人心懽未若李十九之可親也竊意君雖

未仕他時國史傳文苑宜及焉

節錄曝書亭集行狀

李十九武曾善爲古文閒作排儷體脫稟輒棄去余問其故答曰吾家伯季並擅斯長阿京未欲爭勝耳

阿京良年小字

王琬說鈴

徐尚書健庵開史局於洞庭西山武曾任分修應亦

邃於古者

國朝詩別裁集注

瀛桉先生既不得志築秋錦山房于漾葭灣南曰觀槿東曰剩觴北曰息游草堂坐臥其中弟子著錄者日眾今其後人尙多能文之士富孫遇孫竝以詩文有聲庠序嘗持鶴徵錄續補示余并乞題

先生灌園圖及其先畊客先生桃鄉圖

江闔字辰六江南歙縣人貴州貴陽籍康熙癸卯順天舉人榜姓越授湖廣益陽縣知縣擢解州知州著有河汾集

門人江子辰六淹貫古今予每與論史事俯仰數千年如指諸掌早歲絕江淮泛洞庭南窮夜郎盤瓠發爲歌詩浩浩有奇氣覽古詩一卷則康熙丁巳適河東行役道路之所作也

漁洋集

辰六薦舉後選益陽令歷知解州爲政簡靜不擾先是民多宿逋一歲並徵辰六詳請分年帶徵民德之

李遇孫鶴  
徵錄續補

白夢鼎字仲調號孟新一號蝶庵江南江寧人康熙庚戌進士官大理寺左評事著有天山堂集

白夢鼎少與兄夢鼎勤學尙志節時有二白之目鼎舉康熙庚戌會試第二官大理評事總憲魏象樞以博學鴻詞薦庚申補行福建鄉試鼎爲考官得士稱

盛

江南通志

金陵白評事爲湯陰王東臯吏部門生康熙丁巳吏部卒于家訃聞京師仲調爲位而哭又于慈仁寺中受弔凡弔者拜之如子弟執父兄之喪蓋本檀弓孔

子之於伯高古禮也一時稱之鴻詞之徵總憲魏公

象樞所薦庚申主福建鄉試

池北偶談

林堯英字蜚伯號澹亭福建莆田人順治辛丑進士授江西饒陽縣知縣擢戶部江西司主事轉刑部郎中出視河南學政著有澹亭詩略

澹亭性好學工詩歌燕臺十才子詩畧澹亭居其一

薦舉時已官戶部主事後視學中州以古學造士人

文丕振

李富孫鶴徵錄續補

葉灼棠一名灼裳江南江寧人貢生官福建興泉道僉事



葉奕包一名奕苞字九來江南崑山人諸生明工部國  
華子著有鋤經堂詩文集

九來年少負盛名礪礪善使氣目光閃閃若巖下電  
酒閒談說如洪鐘余嘗於棘闌中漏下四鼓聞有呼  
於明遠樓前者私語同舍生此必九來已而果然

陳維崧湖  
海樓集

賈崧按九來爲白泉工部仲子析產得工部所築  
繭園之半葺而新之名半繭園繭園廣六十餘畝  
有大雲堂據梧軒小有堂綠天逕諸勝自爲賦繭  
園雜詠陳確庵爲之序九來所分乃小有堂也橫

踞兩山之閒陳迦陵檢討有半繭園賦

田茂遇字髡淵江南華亭人順治丁酉舉人授山東新城縣知縣著有水西草堂集高言集

國朝田茂遇董俞同編茂遇字髡淵順治丁酉舉人俞字蒼水終於布衣皆華亭人是書題曰十五國風高言集而別標一閩字爲子目據其凡例乃以一省之詩爲一集此乃十五集中之一也

節錄四庫書目  
高言集提要

髡淵才辨器識絕出流輩讀書穿穴經傳落筆爲詩歌古文衮衮不能自休與人交好傾身爲之盡窮達盛衰誓不得而移

今世說

髯淵少受業於夏彞仲先生以詩文雄壇坫會試入

京與王敬哉魏環谿諸公相唱和晚築水西草堂觴

詠以老

李富孫鶴徵錄續補

馮行賢字補之一名景賢又稱馮咎號圃芝江南常熟人布衣著有餘事集十卷

馮行賢字補之弱冠能詩薦舉博學鴻詞工書法尤

精篆刻匹文三橋

蘇州府志

馮補之常熟人能詩工書予二十年前曾選定其詩

集

古夫于亭雜錄

馮班之子曰行賢字補之詩學白樂天卻有自得之

趣與蒲坂吳雯天章交善常求余論定其詩惜逸其

本矣

同上

虞山馮鈍吟詩綺靡華縟專工西崑體或者病之而  
趙官贊秋谷獨稱歎不置以爲勝於漁洋山人殊非  
篤論其子補之嘗舉博學鴻詞雅與吳天章善漁洋  
有讀馮補芝餘事集因題天章還山詩卷

徐裕昆梅遜小錄

馮行賢鈍吟翁長子也自少稟承家學卽嫺吟咏君  
卽以詩世其家而書法篆刻並擅精妙中歲入京師  
名籍甚王公貴人爭折節下之舉博學鴻詞不售歸  
里卒君詩初學溫李如其家翁晚乃稍規白傅變綺

麗而清真矣著有餘事集十卷

古虞詩苑小傳

王祚興字遇于山西永寧人康熙丁未進士授廣東三水縣知縣歷官至戶部郎中湖廣提學僉事

族姪祚興嘗知三水縣云文太青光祿家婢皆能詩曾得其倡和一卷許貽予又貽太青書扇一字畫甚奇怪詩是攜內登文昌閣有句云酒盃好換中黃老

侍女都看萼綠花

居易錄

徐林鴻字大文一字寶名浙江海寧人諸生著有兩間草堂詩文集四十卷

徐林鴻錢塘學生工辭翰上擬左氏下類兩晉康熙

戊午

詔舉博學鴻詞以林鴻薦旣而歸掃一室讀書其中  
作爲詩歌清新典麗所著有兩閒草堂詩文集四十  
卷尤篤友誼漢陽王世顯南昌王猷定客死于杭太  
倉王昊四明周容卒京師皆爲經理其喪復收遺槩  
付其孤人高其誼

浙江通志

君學通今古凡山川險隘錢穀鹽筴之出納律令格  
式之寬嚴皆總其要尤工于作奏以是督撫大吏學  
使嚆使交引以自助然取與不苟館穀所入不能治  
田園所居破屋數間清池半畝時與故交把酒劇談

以爲樂居幕府削赤牘晝夜多至百函善寫人胸臆  
賦才瀏亮古詩音逼齊梁近體和平婉麗獨不愛曲  
子有強以填詞者倚聲歌之陰陽悉中律嘗客貴州  
勸巡撫因民之俗立瞿公式昶張公同敝祠爲作神  
弦迎送之曲其於史事尤練達本末分撰通志發凡  
立例綱目秩然論者以君不與纂修明史之列交惜  
之君善鑒賞別書畫禮器眞僞兼善飲嘗過顧御史  
豹文別業御史知君大戶出雷尊貯酒容一斗賓客  
多避席連舉者三御史曰此何年制也君笑曰北齊  
文宣帝天保六年避暑晉陽宮所作也驗其下款識

果然

節錄曝書亭集墓志

徐大文少時卽名播江左數好遊所至公卿大夫及

賢豪長者爭願交歡

今世說

寶名之先本莆田林氏分支台州之黃巖後徙海寧  
贅徐氏因襲其姓曾祖輅嘉靖庚子舉人仕爲福建

永安知縣子四人司祿司錫俱錢唐縣學生並有文

行

李富孫鵠  
徵錄續補

羅坤字宏載浙江會稽人國學生著有蘿村詩詞彙

羅坤字宏載會稽監生康熙己未

召試博學鴻詞罷歸益肆力詩古文辭名流咸推重



之所著有蘿村詩集蘿村詞集毛奇齡謂坤新詩已  
能到劉河間平視近代邊徐一輩其文大率記所遊  
雖小品顧善摹畫每讀一首如展畫一幀又精小學  
能篆刻偶作竹木奇石法老蓮紹興府志

宏載嘗題楚中見嶽樓有一城樹色圍煙火百里江

聲送夕陽句爲時傳誦

李富孫鶴徵錄續補

楊毓蘭字東始河南新鄉人順治丁亥進士歷官湖廣

衡永道參議

黃始字靜御號東吳廡客江南吳縣人諸生

靜御江南吳縣人舉鴻博不遇歸

國朝詩別裁集注

宋維藩字



浙江建德人明山西巡撫賢之子貢生

候選州同知

金居敬字穀似一名式祖江南長洲人康熙乙丑進士授山西靈邱縣知縣

金穀似詩歌頗有唐調汪鈍翁北遊時金來話別值賓客盈坐金都不叙語竟出其所作送別長歌朗吟一徧捧腹謂汪曰此詩何如高達夫舉坐默然汪頷之而已

今世說

穀似出王阮亭之門少負才名遂於經史暨韓柳蘇歐諸大家制義取法歸震川屢躋場屋登第年已暮

矣嘗與孫致彌同修

幸魯盛典書成授靈邱令尋卒於官

李遇孫鶴徵錄續補

王岱字山長一字九青號可庵一號石史又號戈山湖廣湘潭人前明崇禎己卯舉人入

國朝授安鄉縣教諭遷隨州學正擢順天府教授出知廣東澄海縣知縣著有可庵集十卷且園近集四卷且園近詩五卷可庵文集九卷

其雜文題曰近集蓋以別於近詩然集非文之專名古例具存分隸殊未允也近詩之末有楚書姪編校且園集竣一首則兩編皆岱所自定其名且園者蓋

集中有且園記稱康熙丙午七月就隨州任黌宮有

隙地宅而園之曰且園故以名其集云

節錄四庫書目且園近集

提要

王岱湖廣湘潭人康熙二十二年由舉人令澄海清

謹自持損貲積粟備饑邑多曠土岱招徠墾闢興修

水利戢奸禁暴訟牒鮮少工繪事好詩受職後不復

耽之歿後舉祀名宦

廣東通志

王岱湘潭人前已卯孝廉足跡徧天下至則覽名勝

交異人

國朝壬辰奉

詔起隱滯乃勉上公車授安鄉諭遷隨州學正擢順

天敘授出知澄海縣卒于任祀名宦

楚詩紀小傳

王岱湖廣湘潭人能詩文兼工書畫嶽崎磊落以氣

節自命髮甫燥名滿海內已卯孝廉官學博

今世說

瀛按三楚多詩人而洞庭以南則寥寥焉先生起

于潭州施愚山先生稱其博涉羣籍卓犖自負不

隨俗俛仰放游山水所至與賢豪交歡用氣誼相

然諾與之言侃侃四座莫能難蓋傾倒者至矣余

司臬長沙嘗從寧鄉陶章瀉借觀其詩集云

施清字伯仁浙江錢唐人貢生授陝西布政司經歷遷

湖廣巴州知州應徵試罷歸起廣東廣州府通判丁憂起復補湖廣永州知州著有十三經異同解攬雲集懷新集

施清字伯仁錢唐人少穎悟篤學嗜書爲伯邦曜所知及長工詩文補博士弟子員以選貢授國子監官學教習課士嚴而有法除陝西布政司經歷尋知巴州會應

詔舉博學鴻詞試歸數年起廣州判以內艱歸補永州主岳麓書院講席學者雲集所著有十三經異同解攬雲懷新等集

錢唐縣志

高層雲字二鮑號設苑一號菰村江南華亭人明檢討承祚孫康熙丙辰進士授大理寺評事歷官至太常寺少卿著有改蟲齋集

君貧不自聊又迫賦役坎壈失次遂策蹇驢入京師天子方幸學釋奠君泚筆作臨雍賦見稱於時康熙十四年乙卯再至京或勸君習舉子業君曰是不難鍵戶百日遂領京兆薦明年成進士故事進士釋褐待銓者例得分校鄉試戊午遂與是選又二年授大理寺左評事甲子典廣西鄉試還

朝充一統志纂修官是時君官廷評六年矣意所平

反或與卿貳不合必力爭之或不得則爲兩議以上  
輒如君議

天子察知君可用因考選

親試乾清門稱

旨授吏科給事中遇事敢言又務持大體六月京師  
亢旱

勅議應行應革事宜於時江淮間方行屯田事民大  
擾君請急停以蘇百姓大臣主其議

上嘉納之遷通政司右參議卽日轉左未一年又遷  
今職君於郊邱廟享諸典禮無不明習其令式時



上憂旱甚社稷山川之祀祈禱無虛日君黎明赴壇虔共卽事雖流汗浹體竟日不見惰容以此益受上知而精力漸憊矣亡何病作甫五日遽卒

上臨朝歎息年五十有七眾皆惜君不究其用也君工書及畫善賞鑒平居簾閣據几圖史古玩雜陳意灑然自得持縑素請者輒意滿以去曾以書屢被

御獎在太常時

上嘗諭卿席爾達曰爾衙門政事頗簡可語高層雲留意書體呼君之結知

主上者雖不在一材一藝而人以是卜

上之屬意用君矣

節錄懷剛集神道碑

康熙二十六年正月二十六日諸王大臣議禮永康左門諸王以次環坐內閣九卿科道議畢閣臣白其議向諸王長跪移時武定李公之芳年老踣地吏科給事高層雲抗章彈奏天潢貴胄大臣禮當致敬獨集議國政無不列坐况永康左門乃禁門

天威咫尺非大臣敬諸王之地大學士輔弼大臣當自重諸王宜加以禮接䟽入交宗人府吏禮二部議凡會議時大臣見諸王不得引身長跪著爲令

茶餘客話

賈崧按太常工詩畫皆入能品朱竹垞爲高上舍

題其尊人太常山水軸絕句云太常三絕畫書詩  
尺幅溪山付虎兒斷楮零綃何處覓秋牕惆悵卷  
還時

張英字仲張浙江海寧人海鹽籍康熙癸丑進士授內  
閣中書舍人官至廣東提學僉事

張英海寧人幼有聖童之目博綜典籍著述俱有根  
柢康熙癸丑成進士需次中翰戊午分校北闕謫理  
藩院知事居閒曹名更籍甚膺薦與試博學鴻詞未  
見錄稍遷中書科歷禮戶二曹以僉事提學廣東將  
之官丁母憂歸甲申南遊卒贛州旅舍英禮閣出桐

城張文端之門才亦驟斬時有大小張英口號及戊  
午文端子廷瓚復出英門雖因緣獲譴而淵源針芥  
之合至今傳爲佳話

節錄海邦耆舊志

宋實穎字旣庭號湘尹江南長洲人順治辛卯舉人官  
興化縣教諭著有老易軒文集三十卷春秋拾遺十二  
卷讀書堂玉磬山房等集

宋實穎淹貫經史博綜彙搜詩文典雅騷壇推爲名  
宿侍講繆彤少而執經其學得於實穎者爲多

江南通志

宋實穎少爲諸生受知于徐汧與吳下諸名人倡慎  
交社聲譽籍甚後以江南奏銷案註誤康熙戊午復

還舉人已未以博學鴻詞薦試罷歸久之授揚州興  
化校論課士尙經術斥浮夸歷十六年告歸諸生祀  
之學宮易詩文典雅爲詞壇名宿宅心淳厚喜獎拔  
後進以故人益重之年八十五卒所著有老易軒文  
集三十卷春秋拾遺十二卷

蘇州府志

既庭先生爰自羈州早飲香名一時有江東獨秀之

目節錄西  
堂雜組

既庭與宗弟疇三俱以孝廉知名時稱大宋小宋或  
問大宋何如人予言阮思曠都不及真長逸少而能  
撮有諸人之勝

汪琬說鈴

既庭醇靜寡欲動止皆有常則才名蚤著三十舉孝廉以公車至京師輒攝衣據諸貴人上坐意氣岸然絕無所顧讓自名公訖四方遊士慕之者無不日夜持謁到門以望見顏色爲幸

今世說

先生爲吳下真孝廉與吳江計孝廉東稱石交遂以女字其子計子年十五補諸生及期而殤甫草先生構思子亭無何宋女以不食死甫草又合葬之並屬其友汪鈍翁爲之記鈍翁曰合葬禮之變也思子亭則孺子雖賢殤也禮之過也王敬哉曰甫草之情深若文之論正父子朋友之間兩無憾矣

鶴徵錄補輯

先生嘗作黜朱梁紀年圖論其義嚴正云王莽不得  
爲新安祿山不得爲燕全忠愍獨得爲梁乎且其時  
移檄興復唐室若有晉岐蜀淮南四國或爲唐之臣  
子或爲唐之賜族則唐實未嘗亡也今黜朱梁紀年  
而以晉岐淮南之稱天祐者爲主始于天祐四年至  
後唐莊宗同光元年而止亦春秋書公在乾侯之義  
也先從叔厚齋先生嘗欲撰後唐書亦黜朱梁而以  
後唐爲正統自昭宣帝天祐元年始至南唐烈祖興  
元元年止以正歐陽公五代史之謬惜年未及三十  
而卒其書僅成序例一卷

李富孫鶴  
徵錄續補

譚吉璉字舟石浙江嘉興人前明太僕卿昌言孫貢生  
考補宏文院撰文中書舍人遷陝西延安府同知擢登  
州府知府著有肅松錄延綏鎮志爾雅綱目歷代武舉  
攷嘉樹堂集

吉璉字舟石嘉興人由內閣中書官至登州府知府  
時以延綏爲重鎮設重兵以防河套

本朝順治初年罷延綏巡撫不設而延綏鎮尙仍舊  
名康熙十二年吉璉以延安府同知分駐榆林城乃  
因明巡撫涂宗濬舊本重修此志自圖譜至藝文凡  
分十二類所載皆明代邊防之事

四庫書目延  
綏鎮志提要



譚吉璉字舟石父貞良入漳遇寇璉尙幼以身蔽父  
擊之不去寇曰此孝子也舍之同知延安修學校副  
將朱龍叛身宿城上與民死守川寇陷延綏運道絕  
命勇士閒道渡河以山西粟突圍入榆林得完著延  
綏志肅松錄爾雅綱目嘉樹堂集

嘉興府志

小譚大夫吉璉以祖父嘗爲大夫旣仕以小譚大夫  
自別祖諱昌言山東布政司參政父五經進士諱貞  
良也大夫年十四通五經補學官弟子弱歲以文貢  
入國子監試第一授宏文院撰文中書舍人仕九年  
遷同知延安府事治榆林編什伍明號令制幡幟嚴

斥堠眾藉以安事平論功加一級十七年

詔舉博學鴻詞徵詣

闕既至遷知登州府事未幾卒

節錄曝書亭集墓志

顧均按太守於朱竹垞檢討爲中表幼同塾有和  
檢討鴛鴦湖櫂歌八十八首附刻曝書亭集

王孫蔚字茂衍陝西臨潼人順治壬辰進士歷官至湖  
廣糧儲道參議

順治辛丑茂衍曾任福建布政使左遷湖北糧儲道  
參議丁憂服闕應鴻詞之徵王阮亭有懷茂衍大參

詩李富孫題  
徵錄續補

毛際可字會侯號鶴舫浙江遂安人順治戊戌進士除河南彰德府推官歷知固城祥符知縣著有春秋五傳攷異二十卷安序堂文鈔二十卷會侯文鈔二十卷浣雪詞黔遊日記

際可與毛先舒毛奇齡有三毛之稱其學不及奇齡之博而亦不至如奇齡之強悍堅僻與先舒則鴈行

矣節錄四庫書目安序堂文鈔提要

毛際可字會侯號鶴舫順治戊戌進士授彰德府推官廉明不阿有連奇才者殺人巧脫感風折庭槐之異獻實抵罪寧陵盜犯房有才等十三人已奏當大

辟力辨白其冤釋之改固城令修渭河五門堰溉田  
五百頃再補祥符如故操尋以博學鴻詞薦罷歸閉  
戶著書文名馳四遠晚構問字亭以汲引後進所著  
有安序堂文鈔浣雪詞子士儀官思南府知府士儲

官冀州知州

浙江通志

毛之履字爾旋浙江遂安人嗜學積書數千卷丹黃  
皆遍爲文奇肆自恣不名一體應舉幾得復失纔絕  
意仕進日課子爲文其子際可年十九赴省試大素  
歎曰孺子文他日必能榮世然以汝父文爲佳則雅  
非吾意若使汝改轍從我恐誤汝生平汝就所能勉

之吾不復閱汝文矣際可中戊戌進士果以文稱於

天下

今世說

毛會侯宰固城多異政邑人梁樟爲折尾虎所攫毛

爲文禱於神果獲之人謂不減昌黎驅鱷

同上

王紫綬字金章號蓼航河南祥符人順治丙戌進士改

翰林歷官至江西贛南巡道調浙江糧儲道著有知咫

堂詩集

蓼航太史詩七言古風層波百折起伏頓挫無跡可

尋而轉合矩度不失毫黍五七言近體渾雄博大矯

健蒼老可謂卓然自命者

魏惟度筆記

王蓼航參議送潘世衡內陟少宗伯句云錢穀暫煩

蕭相國儀文終藉叔孫通莊重典雅氣象渾厚

文懷詩說

上官鑑字金之山西翼城人順治丙戌進士除潞安府教授遷國子監助教戶部主事調吏部考功司主事擢浙江嘉湖道僉事河南鹽道參議著有一經樓集

上官鑑字金之山西翼城人順治丙戌進士授潞安府教授河南聘同考官拔七人五成進士選國子監助教再遷戶部主事督餉陝西散給軍士不私秒忽羨餘選吏部主事司考功銓政一新擢郎中出爲浙江嘉湖僉事遷參議河南督理河道故事河工近出

夫遠出料殫慮經畫歲省金錢數萬復兼理通省驛  
傳鹽法詳請驛站銀在州縣支給協濟州縣悉改解  
藩司抵州縣支給正項官民便之旋復以薦兼管開  
歸河三府分守道事務解組歸著一經樓集藏於家

山通  
西志

法若真字漢儒號黃石一號黃山山東膠州人順治乙  
酉以五經

特賜中式授中書舍人丙戌進士改庶吉士遷編修再  
遷秘書院侍讀歷官至江南布政使著有黃山詩留十  
六卷

若真詩古文詞少宗李賀晚乃歸心少陵不屑櫛比  
字句依倚門戶惟其意所欲爲不古不今自成一格  
此本爲張謙宜所編其詩四千一百三首

節錄四庫書目黃山

詩留提要

君父孝廉翁中年無子李夫人有身夢法真而生故名若真字漢儒孝廉篤課極嚴故其業淹博與弟若貞同登進士歷官布政使家居舉博學鴻詞未就試

節錄張山農撰本傳

近世詩人之所尙尙聲調則禘瑯瑯歷下尙澹遠則宗公安竟陵澹遠近于清清之失或弱聲調近于壯



壯之失或浮黃石之詩因情以發氣因氣以發聲因聲而繪詞殆清不致弱壯不及浮信乎其能感人者矣

節錄王崇簡青箱堂文集

膠西法黃石先生少以五經高第授翰林敎歷藩伯晚居東海之濱不仕者三十餘年予耳其名疑爲古人庚午冬日大雪予命酒獨酌有平頭冒寒走三百里寄我巨軸開卷則先生自畫李青蓮登華山落雁峯圖寄我石勢如波興雲卷四壁欲動予感其意作長歌寄之繼而又以巨幅大書司馬溫公禪偈見貽筆勢沉著飛翥蓋先生少以詩名書畫則其餘事耳

節錄安致遠  
安靜子集

黃石先生以高第入翰林再遷秘書院侍讀與洪南  
安承疇陳溧陽名夏兩相國不協外調浙江觀察轉  
補福建禦鄭冠有功遷浙臬平反王式誣告等案浙  
人詫爲神明轉江藩丁內艱歸以詩自娛卒年八十  
有四

山左詩  
鈔小傳

順治乙酉山左鄉試黃石以五經疏聞於

朝特

旨准作舉人授中書舍人仍與會試丙戌入翰林弟  
若貞同利進士授給事中黃石藩宣江南一日在金

陵方典武闈而奉家諱倉卒不得出黽勉終事同城  
何中允采遣人送詩云門人祇讀孫吳傳何必教渠

廢蓼莪

李富孫補徵錄續補

王廷璧字崑良河南祥符人順治壬辰進士改刑部主  
事遷禮部郎中督學廣東擢浙江溫處道參議降福建  
汀州府同知晉陝西涼莊副使著有珠樹堂集聚遠樓  
集

崑良由禮部郎督學嶺南報最稱第一擢溫處少參  
越地沿海海濱木城之設里甲每借此居奇計戶派  
木而實無益防守陳請得免寧郡帥議移鎮并欲以

每甲雜駐一兵崑良持不可遂撫小過喉之去左遷  
汀州司馬去之日越民肖像以祀至汀州值總兵劉  
炎尅餉一軍大譁城門盡閉崑良單騎入營反覆曉  
諭皆叩頭泣伏寧帥敗起擢陝西涼莊副使致政歸  
鶴徵錄  
補輯

李大春一名人椿又名大椿陝西西安人 舉人候

選知縣

徐咸清字仲山浙江上虞人明兵部尙書人龍子蔭監  
生著有資治文字

徐咸清字仲山上虞人居會稽之稽山生而慧一歲

識字五歲通一經甫蓄髮以官監生應鄉舉有文名  
長娶冢宰商周祚女亦能詩乃就稽山閣廣庭構藥  
欄設長筵發所藏書散塚之對坐縱觀暇則抽牘各  
爲詩如有年著小學一書博取訓纂說文玉篇玉  
海諸書以正字形取切韻唐韻廣韻集韻諸書以正  
字聲而縱考經史子集暨唐宋元諸大小篇帖凡有  
繫于釋文者悉搜採以正字義合若干卷名之曰資  
治文字康熙十七年以鴻博薦歸里卒

浙江通志

徐咸清明兵部尙書人龍子也人龍自上虞徙居郡  
城咸清以蔭爲監生性強記精字學以鴻詞薦至都

謁南陽李蔚李精小學與論字咸清多辨詰是非歸

十餘年卒有資治文字藏於家

紹興府志

仲山先生爲先冢宰等軒公壻以先祖姑嗣音爲婦  
以才媛昭華爲女皆閨中之秀金春玉映應鴻博試  
召試

### 體仁閣下

聖祖問有著乎馮益都相公對曰有資治文字旁一  
相曰字書小學耳因放歸時贈聯云北闕上書爭識  
西京才子東軒賜食歸攜南國佳人一時艷稱之雖  
不得仙亦足以豪云

商盤越風小傳

賈崧按仲山父巡撫山東時適商家宰周祚還朝  
見仲山於官署愛之許以女女名景徽字嗣音陳  
迦陵檢討序其詩嘗發願寫妙蓮華經三部凡二  
十八萬八千餘字三年而畢毛西河檢討初匿吳  
江顧茂倫家仲山以詩招之遂匿其家仲山女昭  
華字伊壁適路襄篤好西河詩因從之學伊壁詩  
附西河集後迦陵亦有序仲山應

召報罷出都西河送行詩有云中書門下停車客  
曾薦徐寧第一人蓋仲山爲馮易齋相公薦舉也  
傅宸字蘭生一字彤臣號荔農亦稱麗農山東新城人

順治乙未進士授河間府推官行取擢御史歷官至江  
西道監察御史

傳侍御宸字蘭生一字彤臣別號荔農新城人辛卯  
中省試乙未舉禮部筮仕河間府推官行取授御史  
命按江西道出河間遮道攀轅者數千人公題詩驛  
壁云直道至今風尙在士民接踵問平安其感人之  
深至此

節錄漁  
洋文

侯七乘字仲輅山西汾西人順治戊戌進士除福建武  
平縣知縣調閩縣知縣遷江西廣信府同知

仲輅知閩及武平二縣廉靜慈祥能寬徭恤民又善



講學課士頗有政績以憂去後擢廣信郡丞

李富孫鶴徵錄

續補

張霍字亦衡一字一衡福建侯官人副貢生授光澤縣

教諭

賈崧按韓慕廬先生有懷堂集送張霍還侯官詩  
往惠予琅玕氣與江湖奔真奇欣激賞交臂不可  
緩又云神物必騰躍高鳥歛飛翻三年泣和氏百  
里豈士元勿以再辱辭恐虛一顧恩魏公賢主人  
咳唾吾道尊倘疑此二柄得與達者言時亦衡館  
魏敏果象樞邸齋敏果復薦舉詞科報罷

成其愿一作陳其愿山東樂安人諸生

宋昱字懼聞一名祖昱一名昱浙江山陰人布衣

宋昱一名祖昱山陰人父俊諸生博學工詞章昱與弟西樵有二珠之稱讀書具卓識生平著述最富學文於王處士于一詩以香山爲宗輕脫穠麗不下千篇時蕭山毛奇齡引爲忘年交屬以推挽之任有詩

文集若干卷

紹興府志

瀛按懼聞爲中書朱尚隆所舉徵之不至鶴徵錄誤入之與試未用之列姑從之附記於此

徐茂昭字仲協一字晉公浙江鄞縣人康熙甲辰進士

授江南沛縣知縣擢河南開封府同知

顧均按寧波府志陳鴻績傳已未同里御史黃斐  
舉爲博學鴻詞應徵試詩賦中選授翰林院檢討  
時同舉者有徐懋昭字仲協康熙甲辰進士授沛  
縣知縣素以淹雅工詞翰斐并薦之以病不能終

### 卷回任

陶元淳字子師一字紫司江南常熟人康熙甲子解元  
戊辰進士除廣東昌化縣知縣著有南崖集四卷廣東  
志十卷明史傳二十卷

陶元淳字子師江南常熟人時藝卓然名家康熙戊

辰成進士三十三年令昌化邑濱海土瘠水決沙淤  
禾稼鮮登復苦濫役元淳請清丈別荒蕪熟定規額  
民困蘇焉昌俗多鬻子元淳楊諭之復召父老反覆  
勸誠保全甚眾未幾卒於官民勒石紀遺愛崇祀名

宦

廣東通志

陶元淳字子師一字紫司常熟人少英敏過人于三  
才萬物之理古今因革利病無不講求精審志欲有  
爲于當世康熙戊辰進士對策請減東南財賦詞極  
剴切主者抑之除廣東昌化知縣始至逢歲旱徒步  
禱峻靈山雨立降縣有浮糧賠數百年力請蠲除不

能乃勾稽本末作浮糧考奸民隱占飛灑愚民重困  
乃行清丈法兩年始竣作魚鱗冊剷除公私陋弊作  
會計經費錄創立墟市招流亡集商賈禁戢士司加  
恤窮黎時行村隴問民疾苦藹藹如家人父子海  
外武弁驕橫崖州尤甚元淳署事三月盡發其奸狀  
雖遇赦得寢而將吏由此斂戢以勞卒官邑人尸祝  
之所著南崖集四卷廣東志十卷明史傳數卷其制  
舉文風行海內學者方之金正希陳大士云子貞一  
登康熙壬辰進士授編修

蘇州府志

君游京師徐健庵尚書雅重君爲之延譽名以日高

而其同邑翁尙書者亦羨君名延之邸第然君性剛  
直每與尙書忤以是尙書轉銜之康熙己未

天子開博學鴻詞科光祿何公以君名上君已先期  
出都門遣騎追君還復以病告甲子舉順天鄉試出  
余門戊辰會試中式及

殿試讀卷諸公俱歎爲奇才以對策請減蘇松浮糧  
語激直抑置二甲時徐公元文爲明史館總裁欲留  
君竟歸後除廣東昌化縣知縣權刺崖州而兩弁構  
黨之訟作兩弁者游擊余守備黃也二人皆狡黠黃  
弁更以非刑殺人斷手足棄郊外爲人所訟君條列

六欵上制府時兩弁方橫甚私送密揭于制府下瓊  
州總兵官會鞠君毅然不屈謂密揭不應發審鎮臣  
不應侵官巡撫高公知其言直特寢其事而制府竟  
於劾參武弁疏內附劾君得

旨下部再議事竟得白無何沒於官

節錄蒼峴山人集墓志

瀛按先宮諭以康熙甲子與諸城王汝敬先生同  
主順天鄉試得先生卷歎賞彌日拔冠本經酷愛  
先生文爲之序稱先生原本六經貫通諸史熟悉  
古今之事變非但以文章名家也是科先宮諭得  
人最盛旋中蜚語非

聖祖保全幾不能免而先生亦抑鬱死子貞一以  
古文世其家官翰林貞靖歷官至太常寺卿遇事  
敢言嘗薦魏廷珍鐫級歸



己未詞科錄卷八

通議大夫廣東提刑按察使司按察使無錫秦瀛輯

傳畧

五之三

王鉞字仲威號任庵山東諸城人順治己亥進士除廣東瓊州府司理裁缺改授西寧縣知縣著有朱子語類纂十三卷粵遊日記一卷星餘筆記一卷暑臆臆說二卷讀書叢殘三卷世德堂集四卷

記其自家赴西寧任時途中所經始於康熙己酉正月二十四日終於四月初八日仿陸游入蜀記之體

案日記載敘述頗簡潔而無所考證

節錄四庫書日  
粵遊日記提要

其官西寧知縣時記其風土物產如蚺蛇獬獬諸條  
於舊說間有駁正所記櫟字𠂔字潒字𦉳字木字有  
字之類亦足補桂海虞衡志所遺然大抵地志所已  
載也以方爲邑令故取巫馬期戴星之義名曰星餘  
節錄四庫書目  
星餘筆記提要

是集文二卷詩二卷其文多通暢詳贍不爲詰屈整  
牙詩學宋人而不流於纖靡一邱一壑亦自成結構  
在

國初作者之中則未能金鼓抗行也  
節錄四庫書目  
世德堂集提要  
王鉞號任庵山東諸城人順治己亥進士初授郡司

理奉裁改令於康熙己酉莅西寧居官持平峻絕請託人不敢干以私每自公退食憑閣著書進諸生討論經籍風流宏獎人奉爲宗考形家言創陰橋以鎖文昌江邑中文風日振秩滿上官會薦已奉

命行取以病不赴祀名宦

廣東通志

董俞字蒼水號樗亭別號萼鄉釣客江南華亭人明吏部侍郎邃初孫順治庚子舉人有北遊浮湘度嶺樗亭等橐

董俞華亭人詩文與錢芳標齊名舉博學鴻詞至山東遇盜劫其裝生平著作在行篋中追索之被刃傷

而返好遊所至多吟咏兄含字閔石順治辛丑進士

亦有文名稱二董子溶字晴川高才早卒

江南通志

董君蒼水本貴公子孫年三十舉孝廉于其鄉居亡

何江南逋賦之獄起紳士同日除名者萬餘人君不

幸挂名其閒于是棄去帖括究極於風雅正變之閒

爰及漢魏下訖三唐朝蓋暮鹽蕭然如單門寒畯而

其詩亦閎深涵演非復專家小乘之所敢望

館錄宋宛安雅

堂文集

蒼水童時喜讀古人詩略上口卽能爲聲偶之言父

師叱之不少奪與兄進士閔石並以才名顯後坐事

摧挫不得用于世卜築南村方塘小榭竹翠花深灌  
園鋤菜歌嘯自如嘗渡洞庭至鹿角山風大作波翻  
浪湧上流覆舟蔽湖而下僮僕震懼無人色董坦然  
危坐賦二詩投湖中竟得無恙數時輒行三百餘里  
見者疑有神助

今世說

李芳廣字蓼墅河南柘城人康熙甲辰進士除山東壽  
光縣知縣遷內閣中書舍人

潘颺言字陳伏山東章邱人順治壬辰進士除吏部文  
選司主事降調保舉湖廣軍前候用

徐之凱字子強浙江西安人順治戊戌進士授陝西桂

陽縣知縣

徐孺芳字蘭皋浙江仁和人順治己亥進士除山西平

遙縣知縣歷官至福建提學

趙廷錫原名錫

諱廟

字玉譜陝西膚施人順治辛丑進士

除浙江天台縣知縣調順天良鄉縣知縣候補內閣中書舍人

潘藩大字

江南

人國學生考選授江西宜春

縣知縣

張含輝字韞璘山東掖縣人順治壬辰進士官至四川提學僉事

郎戴瓚字

浙江錢塘人諸生

李瑞徵字中峯直隸容城人康熙丙辰進士

先生學問該博嘗與修畿輔通志惜未見其遺著

李富

孫鶴徵  
錄續補

陳筴字堯夫浙江秀水人諸生著有秋雪集

楊文蓀曰堯夫詩見賞於曹秋嶽司農康熙戊午薦舉鴻博未與試而歸藝林惜之所著詩集吾鄉沈耿

巖編修爲之序

阮元兩浙輶軒錄補遺

賈崧按堯夫詩俱散佚嘗見其范少伯祠詩云水

榭藏仙梵馮欄輒惘然鴟夷誰汎宅蝦菜斷歸船

網艷蛛絲密臺荒雉堞縣會稽山在望高處漫蒼煙

葉方蔚字

江南崑山人侍郎方藹弟諸生

許孫荃字四山號蓀友一字生洲江南合肥人康熙庚戌進士改戶部主事轉郎中歷官至翰林侍講出爲陝西督學著有慎墨堂詩集

沈歸愚尙書稱生洲詩激昂悲壯多燕秦之聲如潼關等作非循行數墨家所能辦

李富孫鶴微錄續補

程大呂字天台湖北孝感人康熙癸丑進士

先生有題吳孟舉黃葉村莊詩極工見篋中集

李遇孫鶴



徵錄  
續補

程必昇字東旭陝西韓城人順治乙未進士授山東棲霞縣知縣

趙驪淵字

浙江上虞人仁和籍康熙己酉舉人

陳宏字乾庵順天大興人順治辛丑進士候補主事

陳懷真字

山東曲阜人一作兗州人歲貢生

高向台字泰階山西翼城人康熙丁未進士授內閣辦事中書舍人

宋涵字叔遂江南溧陽人諸生

馬駿字圖求江南山陽人康熙己酉舉人

朱培字 浙江 人歲貢生考選訓導

程易字 江南休寧人廩監生

朱士曾字 浙江山陰人布衣

先生與朗詣爲兄弟行擅詩歌工書法竹垞翁嘗有

蘭亭行贈朱大云吾宗髯也書絕倫頻過論書仍論

文臨池就我一題扇世上俗學徒紛紛又送與錢六

同遊白下云一朝並馬金陵去閒殺羊欣白練裙

孫鶴徵  
錄續補

劉瑞遠字 順天三河人順治乙酉舉人授江南海

州知州

戴茂隆字

浙江平湖人國學生

李開泰字

順天大興人康熙丙午解元

邵允彛字

江南人國學生

林鵬字

張能鱗字西山順天大興人順治丁亥進士除浙江仁  
和縣知縣歷官至四川按察司副使著有詩經傳說取  
裁十二卷義眉志略一卷理學宗要二十九卷西山集  
十卷

是書於義眉形勝古蹟標撮甚略末附詩文數篇而  
自作乃登其二佛光解一篇命意雖善措詞則未能

免俗也

簡錄四庫書目  
幾眉志略提要

是集凡文八卷詩一卷能鱗喜談理學其詩文多率

爾操觚體裁未盡合於古

簡錄四庫書目  
西山集提要

瀛按先生督學江南宗尙理學一時人士翕然向

風嘗於吾邑惠山重葺邵文莊二泉書院顧副使

鏞詩云使者端風教猗歟彰往心應從泗水遠一

溯二泉深爲先生作也惜其著述俱未得見副使

曾孫兵備道光旭自蜀告歸亦嘗葺二泉書院今

超然堂先生楹帖尙存兵備并屬余撰句以揭於

楹

瀛又按先生後人紹鼎舉人曾官湖南零陵令余  
司臬湖南爲余屬吏和亦舉人曾官江蘇崑山令  
余弟濂庚子同年樹培副榜余尹順天課金臺書  
院樹培肄業其中皆嘉興守三禮子

周起萃字次修浙江蕭山人廩監生

次修詩有氣岸嘗贈陳爾公云洛陽花近清明日旅  
况蕭條缺欲彈金谷園中啼鵲滿銅駝市裏鬪鷄寒  
聽魚雪暖黃河度並馬雲明華嶽看別後相思君不  
見幾時消息到長安過臨邛弔司馬相如云倦遊四  
海卻歸來意氣凌雲五色開盡道茂林能作賦縣知

漢武亦憐才琴臺日暮多愁病酒肆人間不費才誰  
有風流能繼此古來奇遇獨徘徊

李遇孫鶴  
徵錄續補

趙廷颺字玉譜陝西膚施人拔貢生原授鞏昌府文縣  
教諭候補國子監學正

傳畧

六辭不就  
者十二人

顧炎武原名絳字寧人號亭林江南崑山人明贊善紹  
芳孫著有左傳杜解補正三卷九經誤字一卷音論三  
卷詩本音十卷易音三卷唐韻正二十卷古音表二卷  
韻補正一卷顧氏譜系攷一卷歷代帝王宅京記二十  
卷營平二州地名記一卷天下郡國利病書一百二十  
卷昌平山水記二卷山東攷古錄一卷京東攷古錄一  
卷譎觚一卷求古錄一卷金石文字記六卷石經攷一  
卷日知錄三十二卷菰中隨筆三卷救文論格一卷襍  
錄一卷二十一史年表八十卷肇域記一百卷文集六

卷詩集五卷

炎武博極羣書精於考證

國初稱學有根柢者以炎武爲最李光地嘗爲作小傳今載榕村集中是書以杜預左傳集解時有闕失賈逵服虔之注樂遜之春秋序義今又不傳於是博稽載籍作爲此書至邵寶左觚等書苟有合者亦皆采輯若室如懸磬取諸國語肉謂之羹取諸爾雅車之有輔取諸呂覽田祿其子取諸楚辭千畝原之在晉州取諸鄭康成拓爲廟主取諸說文石四爲鼓取諸王肅家語注祝其之爲萊蕪取諸水經注凡此之



類皆有根據其他推求文義研究訓詁亦多得左氏之意昔倚劉炫作杜解規過其書不傳惟散見孔穎達正義中然孔疏之例務主一家故凡炫所規皆遭排斥一字一句無不劉曲而杜直未協至公炎武甚重杜解而又能彌縫其闕失可謂掃除門戶能持是非之平矣近時惠棟作左傳補注糾正此書尤涼一條大司馬固一條文馬百駟一條使封人慮事一條遇艮之八一條豆區釜鍾一條然其中文馬之說究以炎武爲是棟又摘其引古春秋左氏說但舉漢書五行志之名又摘其禮爲鄰國闕一條用服虔之說

而不著所自案徵引佚書當以所載之書爲據棟引  
世本不標史記注引京相璠土地名不標水經注正  
體例之疎未可反譏炎武至服虔一條當由偶忘出  
典棟注昭公二十九年賦晉國一鼓鐵證以王肅家  
語注亦明馮時可之說未標時可之名也是固不以

掠美論矣

節錄四庫書目左  
傳杜解補正提要

自陳第作毛詩古音攷屈宋古音義而古音之門徑  
始明然創闢榛蕪猶未及研求邃密至炎武乃探討  
本原推尋經傳作音學五書以正之此其五書之一  
也上卷分三篇一古曰音今日韻二韻書之始三唐

宋韻譜異同中卷分六篇一古人韻緩不煩改字二古詩無叶音三四聲之始四古人四聲一貫五入爲閏聲六近代入聲之誤下卷分六篇一六書轉注之解二先儒兩聲各義之說不盡然三反切之始四南北朝反語五反切之名六讀若某共十五篇皆引據古人之說以相證驗中惟所論入聲變亂舊法未爲甚確餘皆元元本本足以訂俗學之譌蓋五書之綱領也書成於崇禎癸未其時舊本集韻與別本廣韻皆尙未出故不知唐宋部分之異同由於陳彭年丁度又唐封演聞見記其時亦未刊行故亦不知唐人

官韻定自許敬宗然全書持論精博百餘年來言韻  
學者雖愈闢愈密或出於炎武所論之外而發明古  
義則陳第之後炎武屹爲正宗陳萬策近道齋集有  
李光地小傳稱光地音學受之炎武又萬策作李光  
地詩集後序稱光地推炎武音學妙契古先故所註  
古音不用吳棫韻補而用炎武詩本音則是書之爲  
善本可概見矣

節錄四庫書  
目音論提要

所錄皆歷代建都之制上起伏義下訖於元仿雍錄  
長安志體例備載其城郭宮室都邑寺觀及建置年  
月事蹟前爲總論兩卷後十八卷則各按時代詳載

本末徵引詳核考據亦頗精審蓋地理之學炎武素

所長也

節錄四庫書目歷代  
帝王宅京記提要

炎武性好遠遊足迹幾徧天下搜金石之文手自鈔纂凡已見方志者不錄現有拓本者不錄近代文集尙存者不錄上自漢曹全碑下至明建文霍山碑共得五十六種每刻必載全文蓋用洪适隸釋之例仍皆誌其地理考其建立之由古字篆隸一一註釋其中官職年月多可與正史相參如茶茶準淮張鉅等字亦可以補正字書之譌炎武別有金石文字記但載跋尾不若此編之詳明也惟曹全碑題中平二年

十月丙辰造以後漢書考之靈帝本紀是年十月有  
庚寅距丙辰前二十六日天文志是年十月有癸亥  
距丙辰後七日其間不得有丙辰頗疑是碑之僞據  
潛研堂金石文跋尾以長歷推之始知是年十月丙  
申朔丙辰爲月之二十一日癸亥爲月之二十八日  
實無庚寅併證以譙敏碑稱中平二年三月九日戊  
寅靈帝本紀及五行志竝稱中平三年五月壬辰晦  
干支日數一一相符乃本紀之誤非碑之僞炎武猶  
未及詳辨是則考證之偶疎耳

節錄四庫書目  
求古錄提要

是書前有自記稱自少讀書有所得輒記之其有不

合時復改定或古人先我而有者則遂削之積三十  
餘年乃成一編蓋其一生精力所注也書中不分門  
目而編次先後則略以類從大抵前七卷皆論經義  
八卷至十二卷皆論政事十三卷論世風十四卷十  
五卷論禮制十六卷十七卷皆論科舉十八卷至二  
十一卷皆論藝文二十二卷至二十四卷雜論名義  
二十五卷論古事真妄二十六卷論史法二十七卷  
論注書二十八卷論雜事二十九卷論兵及外國事  
三十卷論天象術數三十一卷論地理三十二卷爲  
雜考證炎武學有本原博瞻而能通貫每一事必詳

其始末參以證佐而後筆之於書故引據浩繁而低  
牾者少非如楊慎焦竑諸人偶然涉獵得一義之異  
同知其一而不知其二者閻若璩作潛邱劄記嘗補  
正此書五十餘條若璩之壻沈儼特著其事於序中  
趙執信作若璩墓誌亦特書其事若璩博極羣書脾  
睨一代雖王士禎諸人尙謂不足當抨擊獨於詰難  
此書沾沾自喜則其引炎武爲重可概見矣然所駁  
或當或否亦互見短長要不足爲炎武病也炎武生  
於明末喜談經世之務激於時事慨然以復古爲志  
觀所作音學五書後序至謂聖人復起必舉今日之



音而還之淳古是豈可行之事乎

節錄四庫書目  
知錄提要

顧炎武少負異質篤志古學九經諸史皆能背誦生平足跡半天下所至考其山川風俗疾苦利病如指諸掌凡所論著皆上下古今貫串精核卓然成一家言當代咸服爲通儒于六書音義尤有獨得李光地以爲自漢晉以來所未有學者稱亭林先生

江南  
通志

友人顧炎武別字亭林按顧野王讀書處名顧亭林

在華亭又潘次耕寄所刻顧亭林日知錄三十二卷

顧潘之師也

居易  
錄

寧人早年入復社與同邑歸莊齊名兩人皆耿介不

混俗鄉人有歸奇顧怪之目兵後盡鬻其產寄居章  
邱別治田舍久而爲土人攘奪乃又遷於山西營書  
院一區盡取家中所藏十四經二十一史暨明累朝  
實錄插籤於架予嘗分書題其柱云入則孝出則弟  
守先王之道以待後學誦其詩讀其書友天下之士  
尙論古人然僑居日少暇輒周覽山川攷古今治亂  
之跡證以金石銘碣著書盈篋其卷帙最繁富者肇  
域志也寧人歿後遺書悉爲弟子吳江潘耒刊行獨  
肇域志散佚良可惋惜詩無長語事必精當詞必古  
雅杼山長老所云清氣當中天地秋色庶幾似之

朱彝

尊靜志  
居詩話

先生名絳字寧人乙酉改名炎武亦或自署曰蔣山  
傭少耿介絕俗雙瞳子中白而邊黑見者異之于書  
無不窺尤留心經世之學著有天下郡國利病書周  
流西北餘二十年徧行邊塞亭障無不了了而其書  
始成日知錄三十卷尤爲精詣初先生從父同吉早  
卒聘王氏未婚守節以先生爲之後乙酉奉其母避  
兵常熟旋應江東之辟授兵部司務無何母王氏不  
食卒閩中以職方郎召不就既而世僕陸恩購旣  
甚曲周路舍人澤浦者救之得解後自山東入京師

復以書案株連自請勘頌繫半年富平李因篤解之事始白定居華陰置田五十畝供晨夕孝感熊公欲招入史館爲助堅以死譴戊午大科

詔下諸公爭思致之先生辭不赴次年大修明史諸公又欲特薦之貽書葉學士詗庵又請以身殉得免卒於華陰無子甥徐尙書乾學爲立從孫洪慎門人奉喪歸吳江潘耒收其遺書序而行之

節錄鮑鱣亭集墓表

詩有俚語經顧寧人筆則典詩有腐庸語入雪一手

則超

繆

谿詩話

荇

瀛按先生爲余外氏之所自出健庵先生深於三

禮實得之先生爲多健庵先生兄弟既貴累書迎先生南歸爲買田以養皆辭焉余幼時猶識字先大夫卽授以日知錄曰是書選言精粹宜熟玩既而授以懋園集則健庵先生著也今以遲暮之年于學問迄無所就而少年經世之志亦消磨于仕宦之場孤負先人明訓自懼亦自愧耳郡國利病書購得鈔本寶藏之

賈崧按葉訥庵侍郎欲舉亭林亭林固辭致書者三遂不列薦刻常熟吳龍錫有詩云終南山下草連天种放猶慚古史箋到底不曾書鶴板江南惟

有顧書年

王揆字端士號芝廬江南太倉人明太常卿時敏子順治乙未進士著有芝廬集

梅村選婁東十子詩十子謂周肇子俶顧湄伊人王揆端士許旭九日黃與堅庭表王撰異公王攄虹友王昊惟夏王忬懌民王曜升次谷一時風流文采稱

極盛焉

國朝詩別裁集注

王芑孫按芝廬太常煙客時敏次子麓臺侍郎原祁之父江蘇巡撫墓天顏薦舉辭不就彙征錄鶴徵錄俱遺漏顧張思己未詞科題名記載之甚詳

徐鉉本事詩云芝罘渡江訪阮亭于揚州爲絕句  
數十首興酣歌唱不減旗亭王維夏題云琴鶴腰  
纏未必兼羸他才藻比江淹瓊花浪自誇仙種敢  
與詞人鬪筆尖

徐夜字嵇庵又字東癡初名元善字長公山東新城人  
諸生著有東癡詩鈔

東癡爲考功王季木先生外孫而西樵阮亭之中表  
兄弟也少讀書外家滄染風氣束髮工爲詩年二十  
九遭世亂遂棄諸生茅屋數椽凝塵滿座晏如也順  
治辛丑一遊錢塘過孤山訪林和靖故居渡浙江沂

桐廬登嚴先生釣臺酌謝皋羽墓裴回賦詩而返遂  
不復出康熙戊午己未間

詔求巖穴之士有司將以姓名上達力辭乃免東癡  
爲文章原本莊騷史漢工於哀艷五言詩以陶淵明  
爲宗巉刻處更似東野中歲以往屏居田廬邈與世  
絕晚益貧阮亭司寇爲遣書邑令曰昔元道州狀舉  
處士張季秀請縣官爲造草舍十數間給水田幾十  
畝免其徭役令得保遂其志使士人識廉耻之方又  
楊君謙蘇談記中峰草堂馮海粟煉泥趙松雪搬運  
中峰塗壁吳人至今傳爲雅談今徐先生簞瓢屢空



所居一畝與蓬藿鼪鼯其之明公誠能修式廬之典  
捐草堂之資繼跡次山海粟松雪三君子者亦佳話  
也然當路終無知之者卒困頓窮餓以死詩亦散佚  
無存司寇爲搜得百餘首編梓以傳云

簡錄詩  
妙小傳

先生初名元善字長公慕嵇叔夜之爲人更名夜字  
嵇庵又字東癡世爲濟南新城人先生束髮工爲詩  
五言似陶淵明巉刻處更似孟郊中歲以往屏居田  
廬邈與世絕寫林木之趣道田家之致率皆世外語  
儲王已下不及也予在京師數寄書索其藁先生遜  
誡而已乃就篋中所藏斷簡殘編綴之得百餘首刻

梓以傳

漁洋文畧

徐夜字東癡余叔祖季木公外孫與余兄弟爲外從  
兄弟詩學陶韋巉刻處似孟東野余目之爲礪松露  
鶴西樵少有贈詩云美人自牧能貽我名士如蠅總  
附君余時尙羈邕亦有句云湘東品第留金管江左  
風流續玉臺

漁洋詩話

東癡二十九棄諸生隱居東皋鄭潢河上掘門土室

絕迹城市有朱桃椎杜子春之風

池北偶談

徐東癡隱居系水之東高尙其志李容庵念慈爲新  
城令最敬禮之與相倡和李罷官橋居歷下繼之者

東光馬某亦知東癡之名然每有詩文之役輒發殊  
票差隸屬其結撰稍遲則籤掇元差限比隸畏撲責  
督迫良苦東癡亦無計避之時傅彤臣侍御里居數  
以爲言馬唯唯然終不悛也容庵知之乃遣人迎往  
歷下及馬罷官始歸馬作令亦平易近人情獨於東  
癡一事殊不可解山谷云士大夫惟俗不可醫馬令  
正坐一俗耳使胸中有數卷書定不至此也分廿餘話  
五雜俎云八月望有月華或言半夜或言微雨後或  
言凡秋夜之望皆有之五彩鮮明易照數十丈如金  
線者百餘道或言但紅雲圍繞之而已康熙己未庚

中間先司徒府君以中秋夜召客客散留徐隱君東  
癡宿而府君獨坐月中徘徊未寢漏下三鼓忽見月  
華如前所云五彩金光灼爍射人不可名狀呼隱君  
起重命觴酌達旦明日隱君賦月華篇紀事載新志  
中

居易錄

東癡詩格清瘦自然者近韋左司刻削者近孟東野

國朝詩

別裁集注

聞性道字天迺浙江鄞縣人諸生著有賀監紀畧四卷  
國朝聞性善暨其弟性道同編性道字天迺寧波人  
其書備撫賀知章遺文軼事及唱酬題詠之詞彙爲

一編采擷頗富然如唐明皇帝送知章詩有二本方  
回瀛奎律髓具載朱子之說又韋穀才調集所載楊  
柳枝詞標題誤增校字遂以天寶以前之絕句爲長  
慶以後之樂府皆未攷定則亦多踈舛矣節錄四庫書目賀監

紀畧  
提要

萬斯同字季野浙江鄞縣人諸生著有廟制圖攷一卷  
崑崙河源攷一卷儒林宗派十六卷明代河渠攷歷代  
史表五十三卷石經攷一卷聲韻源流攷若干卷歷代  
宰輔彙攷八卷書學彙編十卷

是書統會經史折衷廟不在雉門之外攷工記左祖

右社據王宮居中而言是廟在寢東蓋本蔡卞朱子  
易祓之說又謂諸侯五廟太祖居中二昭居東二穆  
居西平行竝列蓋本賈公彥之說又謂自虞夏商周  
天子皆立七廟惟周增文武二祧爲九廟蓋本劉歆  
王雱諸家之說又謂大傳小記祭法中庸詩序國語  
論語所言禘皆據宗廟大祭非圜丘蓋本王肅之說  
於是上溯秦漢下迄元明凡廟制沿革悉爲之圖以  
附於經圖之後而綴以說其用功頗勤其義例亦頗  
明晰視明季本之書較爲賅備其中所論則得失互  
陳如朱子謂羣昭皆列北牖下而南向羣穆皆列南

牖下而向北斯同則謂禮室中但有南牖無北牖朱  
子爲誤今攷喪大記寢東首于北牖下註云病者但  
居北牖或爲北墉是室有北牖明矣詩塞向墜戶經  
典釋文引韓詩云向北向窓也毛傳亦云向北出牖  
也孔疏云爲備寒不塞南窓故云北出牖則是室有  
南牖又有北牖明矣郊特牲云薄社北牖蓋但開北  
牖而塞其南非凡屋本無北牖而特爲薄社開之也  
荀子宥坐篇子貢觀於魯廟之北堂出而問孔子曰  
鄉者賜觀於大廟之北堂吾亦未輟還復瞻被九蓋  
註云北堂神主所在也九當爲北蓋音盍戶扇也然

則北堂既有北闔何獨疑於北牖耶明堂位刮楹達  
鄉註云鄉牖屬謂夾戶窓也每室入窓爲四達然則  
大廟之制略似明堂四面且皆有牖又何獨於北牖  
而疑之耶凡此之類皆未深攷者也至如朱子祭圖  
祖妣竝列斯同謂宗廟吉祭一尸統二主無女尸何  
以知六廟之妣盡入太廟遂引曾子問七廟五廟無  
虛主惟祫祭爲無主卽知妣主亦入太廟凡此之類  
則援證精確爲前人所未發矣雖大旨宗王黜鄭固  
守一隅然通貫古今有條有理不可謂非通經之學  
也王士禎記斯同所著書目有廟制圖攷四卷此本



祇一卷殆傳鈔者所合併歟

節錄四庫書目  
廟制圖攷提要

是編取秦漢以迄元明宰輔分職繫名以便檢核其  
於官制增損異同之處亦間附案語頗爲簡明然不  
著拜罷年月視諸史表例頗爲簡略又如唐代使相  
以其爲藩鎮加官俱不載錄是也然如李克用朱全  
忠王智興李載義韓建等之位冠三師亦祇屬優以  
空銜竝未嘗入輔左右而顧一概列之則義例亦未

能盡歸畫一也

節錄四庫書目歷  
代宰輔彙攷提要

萬斯同字季野鄞縣人泰第八子生有異質書過目  
不忘八齡在客座中背誦楊子法言如倒峽十四五

編讀父所藏書尤精經史從學於黃宗羲大司寇徐  
乾學延請編纂禮書大學士徐元文聘修明史或詢  
以史事則曰在某卷幾頁幾行如其言閱之無一爽  
者性不樂榮利見人惟以讀書勵名節相切劘著經

史學書合三十種

浙江通志

姚江黃太沖每言浙東門風之盛莫過萬氏履安名  
泰一稱悔庵生有異稟美風儀進止不失尺寸舉丙  
子孝廉亂後遂隱居不仕文行爲天下楷模李杲堂  
論其風格比之東漢郭有道黃徵君悔庵書法最斐  
亶諸子中惟允誠得其傳允誠名斯備欲言理學則

就公擇欲論經學則就充宗欲從衡今古則就季野

季野名斯同

今世說

初修明史之時徐東海延萬季野斯同至京主其事  
時萬老矣兩目盡廢而胸中羅全史信口衍說貫串  
成章時錢亮工尙未達亦東海門下士才思捷敏晝  
則徵朋酒夕則晉接津要夜半始歸靜室中季野踞  
高足床上坐錢就炕几前執筆隨問隨答如瓶瀉水  
錢據紙疾書筆不停綴十行並下略無罅漏史橐之  
成雖經數十人手而萬與錢實尸之噫萬以老諸生  
繫國史絕續之寄詢非偶然錢之才亦曷可少哉

茶餘

客話

瀛按四明萬氏于明爲世將而自鹿園先生表以  
後又以講學世其家公擇充宗季野三先生皆從  
黃梨洲游爲當世碩學所稱先生尤熟於勝朝事  
實橫雲王尙書明史葉實先生本也桐城方望溪  
侍郎游京師先生勉以從事經學卒成魁儒先生  
沒桐城志其墓

瀛又按季野與天迺俱爲寧紹觀察許公宏勲薦  
舉固辭而止天迺與兄性善皆盛年棄諸生偕隱  
而終彙征錄鶴徵錄季野天迺俱未載惟顧張思

題名記詳記之亦見鄞縣志

王曾武字宏導江南太倉人諸生

賈崧按宏導明刑部員外發祥子年十三補諸生  
以奏銷案呈誤入太學遊京師長洲宋文恪德宜  
延以課子兼奏記鴻文偉議多出其手時爲裘侍  
御克美薦辭不就亦不造讎弟吉武字憲尹康熙  
丙辰進士以戶部郎出守紹興有冰庵詩藁

李清字心水號映碧江南興化人明大學士春芳元孫  
禮部尙書思誠孫崇禎辛未進士授浙江寧波府推官  
降浙江布政使照磨擢刑科給事中被劾歸卽家起吏

科給事中遷大理寺左寺丞著有史論刪注南北史南  
渡錄諸忠紀畧三垣筆記

先生以攷最擢刑科給事中同日上兩疏一言禦外  
敵當戰守兼治不當輕言欵禦內寇當勦撫竝用不  
當專言招一言治獄不宜置失八而獨罪失出因論  
尙書劉之鳳不職狀語侵尙書甄淑淑遂劾先生得  
鐫級淑收起吏科給事中疾朝臣日競門戶復抗疏  
不報逾年京師陷福王卽位南京遷工科都給事中  
疏言大仇未雪凡乘國難以拜官者宜慟慚人地亟  
更前轍竝言無忘痛恥以偏安自足有司始諡愍帝

爲思宗先生請易諡又請補諡太子二王及開國殉  
難竝累朝死諫諸臣皆寢不行尋遷大理寺左寺丞  
遣祀南鎮行甫及杭而南都失守流離遷徙久乃歸  
當道屢薦不起凡三十有八年而歿子枏康熙癸丑  
進士官左春坊左中允

節錄  
集墓表

瀛按全謝山云映碧先生三垣筆記最爲和平可  
以想見其宅心仁恕其中力爲宏光洗雪言其變  
童季女之誣至於主立潞藩諸臣皆絕不計及又  
言其仁慈勝而斷決少當時遺臣中不沒其故君  
者有幾人與於龔鼎寧直書其垣中之過不少貶

更人所不盡知也其紀甲申殉難諸臣有李國楨  
紀乙酉殉難諸臣有張捷則失考耳至鄭鄴一案  
當主黎洲先生之說筆記所言太過此謝山跋三  
垣筆記後語也先生在康熙中屢薦不起湯文正  
贈詩云虎觀待鴻儒

丹詔下江城老年難走趨豈敢抗弓旌沈文慤謂  
卽杜陵聖朝無棄物老病已成翁意須如此立言  
惟先生但薦舉修史似非以詞科薦太倉顧張思  
入之已未詞科題名云映碧爲都御史徐公元文  
薦舉姑從之附記於此



仲治字滌久號潔厓浙江秀水人歲貢生著有寶日堂詩集

鄭勲按潔厓祖雲龍字心宇萬歷丁酉舉人有山甫集父紹顏字爾膺萬歷丙午副貢官光祿寺署正有少甫集潔厓淵源家學少時卽有文名爲徐健庵尙書薦舉

胡周鼎字其章江南太倉人明崇禎庚辰進士楊姓周官刑科給事中著有葵錦堂集

賈崧按其章負氣節爲復社十哲之一授給事甫三月疏請封懿安張后帝怒下錦衣獄革職擬城

旦至福王時御史沈震荃疏薦不報銓部嘗擬復  
原官冢宰徐石麒寢之

馮京字山公一字香遠號少渠浙江錢塘人國學生著  
有少渠詩文集

瀛按盧抱經學士文昭嘗貽余先生集古文詞卓  
然名家而世少知者先生蓋學士之外王父也學  
士父存心字玉巖乾隆丙辰亦舉鴻詞科報罷卽  
先生女夫也

崔華字蘊玉一字不雕江南太倉人順治庚子舉人  
余以順治庚子爲江南同考官得太倉崔華不雕工

詩畫常有句云一寺千松內飛泉屋上行欹檣坐清  
晝薄冷出蘋間又谿水碧于前渡日桃花紅似去年  
時丹楓江冷人初去黃葉聲多酒不辭此例甚多

目爲崔黃葉

漁洋詩話

賈崧按不雕居鄉以厚德稱子隆先早卒無子晚  
歲同其聳某客吳門酒後失足墮河而死妻邢氏  
觸柱死天道有不可知者

費密字此度四川成都人著有燕峯文鈔一卷唐宮閨  
詩二卷

此度成都人遭張獻忠之亂棄家爲道士流寓吳江

以終王士禎詩所謂成都跛道士萬里下峨岷若是也士禎盛稱其詩而其文不甚著今觀是集不涉王李之摹擬亦不涉袁鍾之纖仄奇矯自喜頗有可觀節錄四庫書目

燕峯文鈔提要

余在廣陵偶見成都費密詩極擊節賦詩云成都跛道士萬里下峨岷虎口身曾拔鷲蟲句有神大江流漢水孤艇接殘春

二句卽密詩

十字須千古胡爲失此人密

遂來定交如平生懽

漁洋詩話

瀛按鉛山蔣侍御士銓有題費處士密遺像詩云上書無益起義兵壯士自結飛來營高定關中十

萬戶賊不敢犯人長生司命三軍費孝子剪髮辭  
官父歸里攜兒避亂陷凹蠻黃金竟贖全家死楊  
展鎮蜀真英雄孝子入幕參元戎青神江底沈賊  
鏹窮奔膽落張獻忠得賊資糧卽拒賊雅州屯田  
孝子力募僚纔辟杜樊川叛將陰戍張益德六郎  
奮起報仇軍孝子獨赦花溪民展轉兵戈逐亡命  
故鄉焚掠無荆榛折節治經三十八換盡滄桑逃  
劫殺支筇五嶽不談兵倚馬千言看給札著書等  
身百廿卷

詔舉鴻儒力辭免幾度題詩壓謫



平生賣藥師

盧扁心喜揚州好墓田老來棲息大江邊姓名已  
入遺民錄著作分藏石室編深衣幅巾寫遺象獨  
立蒼茫空倚傍那須靜坐習枯禪可惜儒官老名  
將昇平埋骨野田村七十老翁流寓身誰爲亂世  
文中子翁是城都跛道人此詩述先生遺事頗悉  
故全錄之惟稱心喜揚州好墓田似與四庫全書  
提要所稱流寓吳江以終者互異

傳畧

七 後期未  
試者二人

夏駟字文茵一字宛來又字宛東浙江烏程人歲貢生  
著有爛溪集交山平寇本末三卷附詩一卷詳文一卷

書牘一卷

紀交城知縣趙吉士勦賊事也交山故爲盜藪康熙七年吉士往莅事以計次第擒之閱四年而盡平駟時客吉士幕中因紀其本末上溯盜起之由中述定計之豫終陳制勝之略松江陸慶臻爲之評點并附賀贈詩篇於後餘姚邵以發復取吉士評文書牘有關平寇者別爲二帙評論而刊之駟字宛東湖州人吉士字天羽錢塘人順治辛卯舉人官至戶科給事中

中節錄四庫書目交山平寇本末提要

夏駟字文茵烏程人康熙戊午薦鴻博不與試與趙

黃門吉士友善吉士令交山有巨寇爲民患設方畧  
討平之駟與有力焉文工駢體清壯頓挫晚節詩益  
豪宕悲壯

浙江通志

汪淮桮宛來嘗采鐵鑄劍三年而後成常佩之以  
游有青鋒三尺腰間雪班管千枝夢裏花之句工  
古文遊屐徧天下所至徵歌命酒懷古賦詩遠近  
傳寫

方象璜字雪岷號 浙江遂安人順治己亥進士除  
湖 府推官改江南合肥縣知縣

傳畧

人舉不  
及期者一人



姜宸英字西溟號湛園浙江慈谿人明太常卿應麟曾孫康熙丁丑

賜進士第三人官翰林院編修著有江防總論二十卷明史刑法志三卷列傳四卷土司傳二卷湛園未定藁十卷湛園集八卷真意堂文藁一卷葦間集詩十卷湛園札記二卷湛園題跋四卷

初編其文爲湛園未定藁秦松齡韓茨皆爲序後武進趙同敦摘爲西溟文鈔此本爲黃叔琳所重編凡八卷宸英少習古文年七十始得第績學勤苦用力頗深集中有與洪虞鄰書論兩浙十家古文事謂兩

浙自洪永以來三百餘年不過王子充宋景濂方希古王陽明三四入其餘譙方石茅鹿門徐文長等尙具體而未醇不應浙東西一水之間一時至十人之多不欲以身廁九人之列蓋能不涉標榜之習以求一時之名者其文閎肆雅健往往有北宋人意亦有以也是集前二卷皆應酬之作去取之間未必得宸英本意然梗概亦略具於斯矣集末札記二卷據鄭羽達所作宸英小傳本自單行今亦別著於錄不入是集焉

節錄四庫書目  
港園集提要

姜宸英字西溟太常卿應麟曾孫工制藝兼善詩古

文康熙戊午有修明史之

命相國徐元文以宸英有史才薦入館遂奉

特恩授文林郎食七品俸己巳徐司寇乾學卽家纂  
修一統志設局於洞庭東山疏請宸英與黃虞稷偕  
行尋中順天鄉試丁丑

廷試一甲第三授編修時年已七十矣宸英讀書以  
經爲根本於注疏窮其精蘊自二十一史及百家諸  
子之說俱經批閱爲文必先立意而後下筆畧無凝  
滯書法鍾王於唐宋諸家亦靡不臨寫晚尤加意章  
草及篆隸人得片紙藏弄以爲寶著明史刑法志三

卷列傳四卷土司傳二卷一統志總論江防海防共  
六卷留館中別有湛園未定藁十卷葦間詩集八卷

浙江  
通志

先生生當

熙代潤色鴻業留心文學名達

宸聰嘗呼先生之字曰姜西溟古文當今作者曾徵  
博學鴻儒東南人物首及先生崑山葉公與長洲韓  
公約連名上而葉公適以

宣召入禁中浹月既出則已無及已而葉公薦之入  
明史館食七品俸仍許與試尋豫一統志事常熟翁

尙書者公之故人也。是時枋臣方排擊湯文正公而尙書爲祭酒劾文正爲異學。枋臣因擢副詹事以逼文正。以文正故兼詹事也。先生以文責之一日而編傳京師尙書恨甚。顧枋臣有長子多才方求學于先生。時枋臣世僕安三者勢傾內外。官寮欲先生少假借之而不得。枋臣之子乘間婉言于先生。先生投盃而起。絕不與通。于是枋臣之子百計請罪而安三知之恨甚。枋臣遂與尙書同沮先生。崑山徐尙書罷官猶領一統志事。先生從之南歸。時貴之構崑山者亦惡先生。康熙丁丑先生成進士年七十矣。

仁廟識其手書特拔第三人

賜及第甫二年而以己卯試事同官不飭簠簋牽連  
下逮遽病死世人所知者但先生之文而茫然于其  
大節故特表而出之

節錄鮎鱗  
亭集墓表

西溟少精舉子業屢躋有司愈不喜詭隨弋獲前年  
已有以其名上聞者會格于例報罷余嘗謂西溟嗜  
古近癖而不能與時文定其榮辱之數名達

九重而不能與流輩爭其一日之遇西溟日與余論  
古今文字益發憤欲盡屏人事并力以從事會奉有  
纂修之

命治喪北上哀其前後都爲一集曰湛園未定藁

錄

蒼岷山人文集

湛園未定藁序

姜編修西溟爲舉子時表聯中用塗抹堯典舜典字  
點竄清廟生民詩語監試御史不知出處指摘令改  
易西溟曰此出李義山韓碑詩非杜纂也御史怒借  
微錯貼出之

古夫于  
亭雜錄

亡友姜西溟以古文明當世其文滂沛英發於蘇文  
爲多未第時以薦舉入明史館分纂刑法志極言明  
三百年詔獄廷杖立枷東西廠衛緹騎之害其文痛  
切淋漓不減司馬子長其論文則謂六經而下衰于

左氏傳而再振于戰國策蓋其爲文本挾從橫之氣  
故云爾常選唐文粹之文出以示余惜未借鈔今其  
家尙存此本與否不可知曾語其從弟孝廉宸萼訪  
之未見示也

王士禎  
雜錄

瀛按先生與先官論論金石交主余家最久詩篇  
唱和幾無虛日而先生尤以古文名先官論爲作  
湛園未定彙序先生亦爲先官論作寄暢園記魏  
叔子嘗謂侯朝宗肆而未醇汪鈍翁醇而未肆西  
溟在醇肆之間洵不妄也余藏先生墨蹟數種嘗  
推爲



本朝書家第一訪其後人式微殆盡悲夫

賈崧按韓慕廬湛園未定藁序云余亟欲以先生  
薦院長葉文敏約同署名會文敏宣入

禁中遲之兩月及余獨呈吏部已不及期矣西漠  
嘗有句云北闕已成輸粟尉西山猶貢采薇人蓋  
不能無感慨云

補遺二人

辭薦  
不就

周容字鄧山浙江鄞縣人明諸生著有春涵堂集

鄧山見知於黃徵君宗義善書工畫疎木枯石自寫  
胸臆蕭然遠俗不拘拘於宗法嘗渡蛟門脫友人之

難曾舉鴻博

畫敬錄

瀛按曝書亭集有人日同紀處士映鍾陸處士嘉  
淑周處士容集龔尚書鼎孳齋中得人字詩先生  
沒於京師徐大文爲經紀其喪其應薦舉它無可  
攷僅見於畫徵錄當必有据故入之補遺

錢肅潤字礎日號十峯明諸生著有十峯草堂集崇祀  
東林道南祠

錢肅潤字礎日幼從學於鄒忠餘期相期相故攀龍  
弟子鼎革後隱居教授當事見其衣冠有異執而笞  
掠之至折脛笑曰夔一足庸何傷因自號跛足生然

自此名益高四方學者尊爲東林老都講康熙戊午  
詔舉博學鴻詞宋相國德宜以肅潤名應以足疾辭  
年八十八卒於家

無錫縣志

伯紫先生每稱十峯高士文並班馬詩壓元白客游  
燕臺時與諸鉅公分箋刻燭極千秋唱和之樂今讀  
贈伯紫詩敘事精詳九河友派發源崑崙灌注不竭  
益信兩公古道之交出處行藏意氣真率非五陵統  
綉所可較挈短長者也

姜倦亭題樊日  
贈紀伯紫詩後

吾師十峯錢先生年八十矣視聽不衰著作日益精  
神如五六十者人知其得於天者厚松齡則知其得

於學者深也松齡爲先生弟子五十年竊見先生之  
於學其始也爲詞章之學氣節之學其繼也爲經術  
之學晚而歸於性命之學非濂洛關閩之書不觀非  
道德仁誼之言不道出而應學者之請講學於黌宮  
於道南書院於雪閒於江上爲後輩之大師東林之

耆宿

節錄蒼峴山人文集  
錢十峯先生八十序

瀛校先生家有十峯草堂嚴學士我斯陳檢討維  
崧諸公皆嘗爲之歌嚴詩云九龍之山環九峯一  
峯一態如一龍興雲出雨氣磅礴鱗甲欲動凌蒼  
空別有一峯伏而起神奇天矯爲龍尾世人咫尺

不知名古來畸士都如此詩不具錄先生遊京師  
與西樵阮亭兩先生善嘗選阮亭詩刻之阮亭錄  
先生贈沈肩生隱君詩入感舊集詩云厯邵金星  
又婺星南山何白北山青鹿田風雨依然在只恐  
山人不忍聽先宮諭稱先生蚤棄青衫澤畔獨吟  
雖橫罹憂患氣不少挫其膺薦不赴止見於邑志  
顧先宮諭及先生門詩文集中從未一及薦舉之  
事姑入之補遺俟考草堂在吾邑城東弓河今其  
子孫頗零落矣

瀛又按山右詩存載戴廷栻字楓仲祁縣人歲貢

生康熙己未

召試博學鴻詞不遇後官聞喜訓導楓仲酬亭林  
先生詩有虛名空爾爲實旤亦此也之句似曾遊  
旤而作其京師春興詩云憐才

天子恩無極應

詔詞臣筆不停又云喜將白髮觀三輔甘抱青箱  
老一經似亦經膺薦入都與試不遇然它無可攷  
故缺之楓仲家藏天馬鼎多父敦王新城俱爲賦  
詩又嘗於答傅青主詩中兼懷楓仲稱爲兩詩翁  
又無錫縣志載黃珣字夏孫葉方藹以鴻博薦邁

疾不行而卒此誤也夏孫與華天沐學泉爲中表  
天沐云夏孫沒數年

天子下詔求博學宏詞而黃子死矣顧祭酒棟高  
爲夏孫傳亦云先生爲葉公方藹所知沒後七年  
爲康熙己未內外臣僚舉博學鴻儒葉公主其事  
而先生早前沒其言皆確鑿可据獨怪乾隆庚午  
修縣志祭酒亦與纂修自相矛盾何耶夏孫早入  
雲門社以古文名余嘗序其集